

四庫全書

史部

欽定四庫全書

萬壽盛典初集卷三十五

恩賚六

開科三

巡撫福建等處地方提督軍務都察院右副都

御史

臣

覺羅滿保謹

題為

聖壽無疆

皇仁廣被懇疏代

題恭謝

天恩事據福建布政使司布政使金培生詳稱據閩省  
鄉紳鄭開極舉人貢生監生生員鄭仁陳嘉誠  
等呈前事內稱欽惟我

皇上

功高九有

德協三才謨烈開天玉帛來雕題漆齒勲華炳日聲  
名極瀚海流沙造士右文學校普菁莪之化崇

儒重道黌宮興棧樸之歌五十載海晏河清共  
戴

太平天子億萬年日升川至爭祝

有道聖人茲康熙五十二年恭遇

萬壽正誕

特加鄉會恩科多士嵩呼萬方雀躍真千古未有之奇  
逢實萬世僅覩之

曠典也 極等跪讀

恩綸曷勝歡忭伏念極等幸生

盛世適際昌期沐

聖化之煦濡三多是祝被

皇恩之浩蕩萬禩常新合情籲懇具

題代謝

天恩俾海嶠儒生得露葵忱於

鳳闕全閩下士獲通蕪悃於

螭坳等情到司據此該本司布政使金培生看得世

際昇平慶康熙於九域時逢泰運躋

仁壽於萬年粵稽虞帝作人爰奏薰風之治周王壽考

聿昭雲漢之章欽惟我

皇上

德配清寧

壽同河嶽旁求俊乂稱有道之昌期掄拔英才頌無

疆之瑞應茲康熙五十二年恭遇

皇上萬壽正誕

允直省士子之請開

萬壽鄉會之科普天共慶文光射斗宿之區多士同春

瑞氣拱紫垣之曜理合據呈轉請代

題陳謝等因到

臣

欽惟我

皇上

稽古右文

體元建極

聖神廣運乾坤符悠久之徵

壽考作人日月動光華之照

化溥於詩書禮樂溥海同風

頌興於棫樸菁莪敷天徧德南金竹箭爭呈珍異於  
王家威鳳祥麟共效羽儀於

盛世乃

帝壽方增之會正人文大啟之時

寶厯無疆初應

昌期於周甲



聖人有道預頒

異數於寰區

特俞多士之嵩呼爰舉兩闡之

曠典自今伊始永作成規每遇十年用加一次春風

省院鹿鳴高協笙簧秋雨容臺雁塔爭題姓氏

緬茲率土共沐

恩波惟此全閩尤涵

聖澤玉蘊羣峰之表九曲朝輝珠懷環海之中十洲宵

媚從此日升川至三台常拱於

北辰鳳起蛟騰五緯恒昭於南極既據布政使金培生

詳懇代

題前來臣不敢壅於

上聞謹會同閩浙總督臣范時崇合詞代

題恭謝伏乞

皇上睿鑒施行

巡撫山東等處地方督理營田兼理軍務都察

院右副都御史加五級

臣蔣陳錫謹

題為

聖主壽考作人曠典歡騰多士懇賜代

題恭謝

天恩以達輿情事據濟兗東青萊登六府舉貢監生員

李壽彭李仁壽等呈前事內稱欽惟我

皇上

德協清寧

道隆今古聲靈赫濯闢百王未闢之封疆政教光昌  
興千古未興之禮樂五十載虞門四闢籲俊無  
方數十科周制三升登賢有路固已江蘭湘芷  
無非

王者之香荷版投綸盡是

聖人之佐茲五十二年恭遇

皇上六旬萬壽

國慶舒長會風虎雲龍而類聚士歌仁壽萃岡陵松

柏以駢臻

特沛洪恩於二月鄉試八月會試凡遇

萬壽正誕即加一科億萬斯年永為定例桃花浪暖湧  
出千層桂子香清飄來萬里

一人參三才而竝永綿歷無疆多士應一德之旁求瞻  
顏有喜執林慶溢舉頭見五色之雲朝士感深  
拜手進九如之頌壽彭等獲生齊魯教久被乎  
杏壇喜近雲霄恩先霑乎

楓陞禮隆闕里欣瞻

鑾輅之遙臨念切民依數沐

恩綸之下沛昨秋廣額已慶連茹來歲增科更欣樂育

沐

弘膏於無已蕩蕩難名際泰運之極隆巍巍莫贊得名  
得壽但有詠歌寢熾寢昌尤深抃舞為此具呈

恭謝伏乞代

題等情到

臣欽惟我

欽定四庫全書

鳳

華書  
卷三十五

七

皇上

功高湯武

德邁唐虞重道崇儒率土仰光華之治右文稽古普

天霑教育之恩恭逢

聖壽昌期

特舉掄才曠典每十年而增一試開億萬祺

壽考之長以一歲而試兩科萃十五省人文之盛

帝德與天同運

皇猷如日初升朝野騰歡儒林動色茲據闔省士子籲  
懇代為

題謝

臣不敢壅於

上聞

臣

謹會同學臣陳恂合詞具

題伏祈

皇上睿鑒施行

巡撫山西太原等處提督雁門等關軍務兼理

雲鎮都察院右副都御史加四級

臣

蘇克濟謹



題為呈請代

題恭謝

皇恩事康熙五十一年六月初三日據闔省舉貢生員

劉璋等呈稱欽惟我

皇上

道冠古今

德參天地

體乾行而出治遠過周歷千年

本離照以崇文快覩虞門四闢固已人登壽域普天  
共效嵩呼世躋春臺率土齊霑

帝澤矣乃六十年之景運方地久而天長十五國之人  
文復雲蒸而霞蔚

特允章縫之請遂

頒渙汗之音

曠典弘開

恩綸廣沛設特科於制科之外搜奇士於多士之中從

此臺敞黃金明月與夜光竝進班聯玉笋鳳毛  
兼麟角齊收二月桃花翻同丹桂中秋紅葉疑  
是杏林璋等久沐

殊恩彌深歡忭欣逢

異數愈切頌揚但草野微忱無由上達伏懇俯准輿情  
代

題恭謝庶億萬斯年長沐菁莪之化而八千為歲永  
來嵩嶽之呼矣等情到臣欽惟我

皇上

與天同運

如日方升奮武揆文

聖教誕敷於四海崇儒重道

宸章光耀於萬方茲康熙五十二年恭遇

皇上六十萬壽華封有祝歷服無疆特行鄉會兩科用

彰太平盛事嗣後每遇十年

皇上萬壽正誕即加一科永為定例此真千古未有之

曠典也

恩綸到晉通省士子無不歡忭踴躍感激

皇恩浩蕩欣瞻

聖壽升恒紛紛具呈公請代

題恭謝

天恩前來臣不敢壅於

上聞謹會同學臣孔尚先合詞具

題伏乞

皇上睿鑒施行

巡撫河南等處地方提督軍務兼理河道兵部  
左侍郎兼都察院右副都御史加四級臣鹿祐  
謹

題為

萬壽之特科肇舉多士之欣戴彌深恭疏代

題叩謝

天恩事據河南通省紳士原任吏部尚書宋犖工部侍

郎李元振內閣學士兼禮部侍郎張榕端舉人  
貢監生員閔式鑛李永福等呈為

萬年之曠典特加九土之士心齊奮敬懇代

題恭謝

天恩事欽惟我

皇上

化成久道

時際文明舜日方長咸慶夔龍為佐商霖是用益賡

仁壽無疆民務農桑賀昇平者由中及外士陶  
禮樂沐教育者軼後超前尺璧寸珠搜羅徧夫  
四海春華秋實採掇及於兩河茲康熙五十二  
年恭遇

萬壽聖誕

特賁恩綸於二八月舉行鄉會試嗣後每遇十年

萬壽正誕即加一科永為定例

隆恩溥浹多士歡騰輦等實感



高深未能報荅惟願

聖壽彌增於有永

皇圖鞏固於無窮伏乞恭疏代謝

天恩等情又據各司道據呈轉詳到臣欽惟我

皇上

如日之升

與天無極綜文武聖神之盛

德邁百王合位祿名壽之全

躬膺多福

徽音久著載歌載樸之作人

純嘏常新咸喜梧桐之鳴鳳

聖澤徧敷雨露特加殊渥於八荒庶士齊奮風雲愈固

太平於萬載

恩綸大渙士子歡呼仰戴如天感激無地理合恭疏

題報伏乞

睿鑒施行

巡撫陝西等處地方贊理軍務都察院右副都

御史加三級紀錄十三次

臣永泰謹

題為

聖主萬壽無疆人文千載奇遇籲請代

題恭謝

天恩事康熙五十一年七月二十五日據西延鳳漢興

五府州屬舉貢監生生員周延壽朱輔煌等呈

稱竊惟陝西鄙處邊陲去京遙遠前者蒙

恩給種哀鴻興還集之思嗣後

賜復蠲租庶類有樂胥之慶由是風氣蒸蒸而日上人  
文蔚蔚而改觀戶禮樂而家詩書樂辟雍而聞  
鐘鼓五十二年值我

皇上萬壽正誕宏開鄉會恩科四海英流共切二天之  
戴三秦遠地亦邀一視之仁久道化成望天章  
而歌雲漢百年必世頌棫樸而詠菁莪從此每  
遇十年思皇驤首於王路恭逢

萬壽羣英雲集於

天家多士一心食德敢忘圖報

君門萬里下情無以上陳伏乞俯賜

題謝以達輿情等因到

臣

據此欽惟我

皇上

德竝高深

功同化育

太平至治開萬年有道之祥

異數掄才彰

壽考作人之盛惟茲康熙五十二年恭逢

皇上六十正誕普天同慶

曠典特行十五省邀破格之

弘恩億萬載垂無疆之定例從茲周禎益茂士林並  
效

嵩呼舜壽無疆臣庶咸思

華祝茲據士子合詞呈懇

題謝又據布政使魏圖布按察使薩穆哈會詳前來  
臣不敢壅於

上聞謹繕疏代

題伏乞

皇上睿鑒施行

巡撫甘肅寧夏臨鞏等處地方贊理軍務兼理

茶馬都察院右副都御史加二級

臣

岳拜謹

題為

萬壽弘作人之化重熙沐千載之

恩公籲代

題以伸謝悃事康熙五十一年七月十八日據甘肅  
寧夏平慶臨鞏舉人貢監生員吳郡尹誥等呈  
稱竊郡等生長西陲遭逢

盛世橫經負耒安耕鑿而戴

堯天吹雅歌風樂昇平而遊

舜日自荷頻年廣額士氣固不奮揚驟聞來歲賓興



奎宿因而倍煥欽惟

皇上文武聖神固已東漸西被祿位名壽宜其地久天  
長爰於明年二月特開鄉試八月特開會試陶  
成造就凡成人小子靡不眉宇飛揚教養涵濡  
即老生宿儒亦各神情鼓舞況垂為定例永遠  
遵行自十載而至億萬載

聖壽遐昌由一科而加數十科人才輩出此真

盛世之殊恩亘古所僅見者也所有感謝下情乞祈

上達

天聽等情到

臣

據此欽惟我

皇上

聖學如天

皇猷炳日建中表極八埏文命覃敷詣聖入神億載光  
華茂著崇黌儒以重道澤及前賢

親廷試以掄才恩流多士康熙五十二年恭逢

皇上六十萬壽正誕之辰特行鄉會兩試嗣後每遇十

欽定四庫全書

卷三十五

年即加一科億萬斯年永為定例斯誠太平盛典千秋曠事也茲據闔省士子感激

皇恩環集

臣

署歡欣抃躍望

闕叩首齊祝

萬壽無疆并具呈懇請代謝出自真誠理合恭疏代題以

聞

巡撫廣東等處地方提督軍務兼理糧餉都察

院右副都御史臣滿丕謹

題為恭謝

天恩代達輿情事康熙五十一年八月初三日據鄉紳  
鄭際泰等舉貢監生員何有畧等呈為

萬壽開科千古奇遇士民感沐

殊恩懇請代

題恭謝事竊惟三年取士乃國家之常經一道同風

實帝王之盛治何幸干支癸巳之歲正值

欽定四庫全書

卷三十五

十八

皇上花甲之周

特設恩科欣逢

曠典沛澤倍深於雨露作人寶冠於古今

萬壽無疆已增十五省太平之象

一人有慶自綿億萬年

壽考之科仰五嶽之峯難形

厚德測八溟之水莫罄

深恩泰等身際唐虞恩霑覆冒擬申封祝莫罄輿情

懇祈俯准下悃代達

宸聽等情到

臣

欽惟我

皇上

學貫古今

功同覆載崇儒重道六十載之文運彌新

壽考作人億萬年之科名特設不惟宮牆多士欣逢

曠典之加而且草野遺賢羣仰

聖朝之化茲據紳衿等趨赴省城踴躍歡呼焚香叩首

環臣衙門懇請代

題恭謝

天恩

臣

謹會同兩廣總督

臣

趙弘燦合疏具

題伏乞

皇上睿鑒施行

巡撫廣西等處地方提督軍務兵部左侍郎兼

都察院右副都御史加三級

臣

陳元龍謹

題為

天厯無疆人文有幸謹據輿情代

題恭謝

皇恩上祝

聖壽事欽惟我

皇上

治邁唐虞

道綜洙泗

文思光被歷五十餘載之漸摩



德化覃敷開億萬斯年之樂育

昇平既久戶盡絃歌

作養恩深人知磨礪所以山陬海澨皆率教於詩書  
即使蠻土洞獠亦回心於禮義欣逢

聖主之在御共慶

壽考之作人亘古以來未有盛於

今日者也臣於本年六月初一日准禮部咨文內開

康熙五十二年恭遇

皇上萬壽正誕照順治丙戌科通行鄉試已亥科特行  
會試之例於二月內舉行鄉試八月內舉行會  
試嗣後每遇十年

皇上萬壽正誕即加一科永為定例仰荷

俞旨通行等因臣即出示曉諭并檄布政司轉行各府

州縣徧行曉諭俾遠方士子早聞

曠典共戴

殊恩隨有桂林府屬貢監生員唐時儒等歡呼環繞呈

稱廣西地最僻遠人皆樸陋邇年仰蒙我

皇上撫綏澤溥作養恩深讀書之士漸多觀光之念頗切今年會試廣西於中式一名之外復蒙

欽賜進士一名遠方聞之無不踴躍思奮茲明年二月

又蒙

特恩開科從此蠻烟瘴雨之鄉漸覩棫樸菁莪之盛不覺歡聲動地惟願

聖壽齊天但感激下情無由上達懇乞代

題等情續據布政使黃國材詳稱據桂平慶梧潯柳  
太思南等府申據各屬士子具呈籲請代

題恭謝

天恩等情到

臣該臣

看得遐方慕化慶

文治之彌隆率土呼嵩綿

寶歷於莫量似此羣情歡忭不敢壅於

上聞理合據實具疏代

題伏乞

皇上睿鑒施行

提督四川等處學政翰林院編修加一級臣王

誥謹

奏為恭逢

萬壽開科普天頂祝懇請

題謝以達輿情事康熙五十一年七月初八日據通

省舉人貢監生員趙瑄李正茂等呈前事呈稱

竊惟

北辰瞻文教覃敷

南極偕奎光並永恭惟我

皇上

聖神文武

濬哲欽明風動時雍薄海沛昇平之澤禮明樂備遐

陬均陶淑之仁乃者

壽域弘開共效升恒之頌

恩膏廣被務羅廊廟之材歌苹鹿於春風杏林艷發宴

瓊林於秋月桂樹香飄萬口歡騰多士重霑

化育一時傳布九圍仰慶

岡陵懇乞俯察輿情代疏

題謝等情到

臣

欽惟我

皇上

文明御世

仁壽承天統萬國之衣冠道翔化洽萃百王之禮樂

治定功成猶乘萬幾之餘

特闡五車之蘊

宸章璀璨布家絃戶誦之書

睿鑒精微啓內聖外王之學彙征連茹四海恭際

昌期

壽考作人

三殿新頒

曠典凡茲多士悉荷

恩榮况屬邊陲彌深愛戴從此卜年卜世永垂選士之



規為春為秋盡效封人之祝矣理合繕疏代

題伏乞

皇上睿鑒施行

巡撫雲南兼建昌畢節等處地方贊理軍務兼

督川貴兵餉都察院右副都御史加七級

臣吳

存禮謹

題為

聖主當

萬壽之昌期多士沐千秋之

曠典呈懇代

題恭謝

天恩事據通省舉貢監生生員熊載趙璽等合詞呈稱

伏遇我

皇上握乾符而御世秉離照以當天

文德敷於八荒

令典垂之奕禩弘開

壽域配天地而無疆特沛

恩波詠菁莪而不息桃花浪暖羣雷盞榜之春桂子  
香清分錫紅綾之餅自此祥徵雲漢長庚炳耀  
於層霄行看光射斗牛奎壁騰輝於東井載等  
邊荒下士久沐深仁聞命自天感深率土伏乞  
俯念微誠恭疏具

題恭謝

皇恩等因到

臣

欽惟我

皇上

聖神立極

覆載同符

帝德當陽萬國祝齊天之壽

皇猷煥日千年頌毓聖之祥欣當華渚之期

特舉闢門之典

堯齡益茂沛膏雨於乾坤

舜旦增華普文明於宇宙真從來所未有千古所難

逢自此東西南朔之人益鼓忠孝尊親之志願  
歌

聖壽同地久而天長爭祝

皇圖並川深而嶽永謹會同雲貴督臣郭棟合疏具

題伏乞

睿鑒施行

巡撫貴州兼理湖北川東等處地方提督軍務

都察院右副都御史加三級

臣劉蔭樞謹

題為萬邦欣

聖壽之方升多士感

皇仁之誕被仰祈

題達恭謝

天恩事據貴州布政使司布政使遲炘詳稱據貴州監  
屬紳衿萬民欽王萬年等呈稱欽惟我

皇上

德叶乾坤

功侔日月厚生正德躋編氓於仁壽之安重道崇儒  
迪髦士於文明之盛蓋王者鍾靈而出宜集慶  
夫三多况聖人拔萃以生必化隆乎九有曩者  
格中破格青衿已廣棘院之名科外設科白衣  
亦直玉堂之署猶復特恢解額大啓賓興洵乎  
普天咸頌昌期僻壤亦欣文治矣茲值

元辰之初度猶蒙

恩詔之弘頒浪暖桃花看俊造龍門早躍香飄桂子喜

英才鴈塔聯標由首善以迄遐荒並邀

曠典自周甲以臻萬禩長荷

殊恩民欽等幸際

休明躬承

雅化縱黔山小草難同梗梓以爭榮而富水纖鱗亦  
附蛟龍而思奮既幸觀光有路曷禁華祝惟誠  
伏懇俯念輿情轉請

題達等因到臣據此該臣看得惟天帡冒九州霑茂



育之仁如日照臨萬物切升恒之慶既久道之  
化成自人文之蔚起雲蒸豹變永作

國家之楨連茹彙征常收梁棟之用自此

萬壽無疆日見人文丕振不惟十五省歡呼踴躍沐化  
雨與春風固應億萬年沐浴詠歌慶天長與地  
久矣謹恭疏代

題伏乞

皇上睿鑒施行

總理糧儲提督軍務巡撫江寧等處地方都察院右僉都御史臣張伯行謹

題爲恭逢

萬壽昌期等事該臣看得久道化成四海荷一人有慶闢門籲俊八埏頌

萬壽無疆崇文旣

特設魏科重武亦並頒

曠典欽惟我

皇上

聖教弘敷

帝謨廣運恭遇

楓宸六十之寶歷載拔干城欣占

黼座億萬之璫籌永開茲榜從此科名展綵皆由

壽考作人宜乎士子弁兵莫不呼嵩抃舞環請代謝

天恩也茲據布政使金世揚詳報前來相應恭疏代

題伏乞

皇上睿鑒施行

巡撫山東等處地方督理營田兼理軍務都察  
院右副都御史加五級

臣蔣陳錫謹

題爲

聖壽之洪恩普徧武科之

曠典宏開公籲代

題以申嵩祝事據濟兗東青萊登六府武舉王永祥  
等武生張壽昌等呈稱我

皇上

道冠百王

德隆五帝恭逢五十二年

皇上六十大慶各省武生准於四月鄉試武舉十月會

試

皇猷重道鄉與會一歲兼行

壽考作人文與武兩途並進

曠典垂爲定例長歌

萬壽無疆遐方悉荷

殊恩羣頌

一人有慶愚賤下忱無由上達伏懇代

題等情到

臣欽惟我

皇上

功高千古

學貫三才

文德覃敷率土沐光華之盛

欽定四庫全書

卷三十五

天威休暢遐方仰耆定之勲恭遇

萬壽昌期

特舉掄才

曠典每十年加增一科合文武永爲定例魏魏

帝德弘開萬年登進之階蕩蕩

聖恩永宣壽考作人之化

聖德與天而同運

皇猷如日之初升朝野騰歡旂常動色茲據闔省武舉

武生紛紛環繞臣署籲請代爲

題謝臣不敢壅於

上聞謹會同學臣陳恂合詞具

題伏乞

皇上睿鑒施行

巡撫河南等處地方提督軍務兼理河道兵部

右侍郎兼都察院右副都御史加五級臣鹿祐

謹



題爲

萬壽開科

曠典疊沛紳士弁目感戴彌愍謹公請代

題叩謝

天恩事據武舉趙元璧武生杜進才等呈稱欽惟

皇上

文德覃敷

武功赫濯車書徧於萬國懷德者無不畏威聲教訖

於九圍瞻雲者皆思就日先文後武大開籲俊  
之門一視同仁再舉賓興之典茲康熙五十二  
年恭逢

皇上萬壽正誕

特沛恩綸於四月十月舉行武鄉會試嗣後每遇十年  
萬壽正誕亦照文場之例即加一科

隆恩溥浹士子歡騰璧等感戴

高深無由報稱謹焚香頂祝惟願

聖壽彌增

皇圖永固伏乞俯鑒輿情恭疏代

題叩謝

皇恩等情到

臣

欽惟我

皇上

文教覃敷

武功赫濯崇儒重道屢廣科名明目達聰弘開籲俊

旣棫樸之兼收恩流魚麗復韜鈴之並進澤沛

免冒越十載而一行歷萬年以為例是以

恩綸下賁歡騰騏驥之林

盛典方頒喜溢赴桓之隊既據各呈請

題謝前來臣不敢壅於

上聞理合恭

題代謝伏乞

皇上睿鑒施行

萬壽盛典初集卷三十五

# 欽定四庫全書

史部

萬壽盛典初集卷三十六至九

詳校官宗人府丞寶光鼎

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官中書<sub>臣</sub>徐步雲

謄錄監生<sub>臣</sub>俞成鰲

欽定四庫全書

萬壽盛典初集卷三十六

恩賚七 賞兵一

康熙五十二年三月十八日

萬壽覃恩詔給八旗護軍校前鋒及護軍各一年錢糧  
撥什庫披甲人各半年錢糧外省駐防兵亦照  
此例其曾効力行間年老間住者均加

恩賜

戶部欽奉

恩詔銀庫賞給銀數

一鑲黃等八旗都統咨取每月五兩錢糧覺羅  
護軍等每名各賞一年銀六十兩每月四兩錢  
糧護軍等并護軍校每名各賞一年銀四十八  
兩每月三兩錢糧漢護軍等每名各賞一年銀  
三十六兩每月五兩錢糧覺羅阿敦梅倫等每  
名各賞半年銀三十兩每月四兩錢糧撥什庫



等每名各賞半年銀二十四兩每月三兩錢糧  
披甲等每名各賞半年銀十八兩每月二兩錢  
糧鑄匠撥什庫等每名各賞半年銀十二兩每  
月二兩錢糧步甲撥什庫外郎拜湯阿等每名  
各賞半年銀十二兩每月一兩七錢錢糧匠人  
等每名各賞半年銀十兩二錢每月一兩五錢  
錢糧步甲等每名各賞半年銀九兩每月一兩  
錢糧拜湯阿等每名各賞半年銀六兩每月八

錢錢糧鞭子人等每名各賞半年銀四兩八錢  
每月五錢錢糧閒散人等每名各賞半年銀三  
兩

共賞給銀二百五十六萬三千五百三十兩  
一武備院咨取每月一兩錢糧沙河鹽匠等每  
名各賞半年銀六兩

共賞給銀一千五十六兩

一鑾儀衛咨取鑲黃等三旗每月二兩五錢錢

糧校尉大鼓手大等每名各賞半年銀十五兩  
每月二兩錢糧校尉鼓手等每名各賞半年銀  
十二兩每月二兩錢糧請轎民校尉等每名各  
賞半年銀十二兩每月五錢錢糧七所執

駕民校尉等每名各賞半年銀三兩

共賞給銀一萬二千八百一兩

一太僕寺浴取每月一兩錢糧左右兩翼馬羣  
固山大阿敦大梅倫阿敦人等每名各賞半年

銀六兩

共賞給銀一萬一百八十二兩

一慶豐司洛取每月一兩錢糧牛羊羣阿敦人等每名各賞半年銀六兩

共賞給銀八十四兩

一上駟院洛取每月一兩錢糧馬駝羣阿敦人等每名各賞半年銀六兩每月二兩錢糧上都達布遜諾爾馬駝羣達里岡艾馬駝羣阿敦大

梅倫阿敦人等每名各賞半年銀十二兩每月  
一兩錢糧阿敦大梅倫阿敦人等每名各賞半  
年銀六兩每月二兩錢糧醫生等每名各賞半  
年銀十二兩

共賞給銀一萬八百八兩

一盛京戶部咨取

盛京

三陵并盛京等處撥什庫拜湯阿兵丁等

共賞給銀三十五萬兩

一查哈喇等處每月二兩錢糧護軍等并護軍校每名各賞一年銀二十四兩每月二兩錢糧撥什庫拿賊兵丁等每名各賞半年銀十二兩每月一兩錢糧披甲鐵匠并蒙古閒散人等每名各賞半年銀六兩每月五錢錢糧受傷閒散蒙古等每名各賞半年銀三兩

共賞給銀六萬三百五十七兩

戶部欽奉

恩詔緞疋庫支給曾効力年老人等總數

一滿洲兵丁原曾披甲効力并年老告退人等  
共二千五十一名每名各賞山西生絹一疋三  
線白布三疋

共賞給西絹二千五十一疋三線布六千一  
百五十三疋

戶部為欽奉

恩詔事康熙五十二年三月十八日

恩詔內開一昔年存亡之秋在在用兵朕所親歷今雖承平而武備不可不謹故時加訓練八旗兵丁盡已精銳茲特大沛恩賜護軍校前鋒及護軍各賞給一年錢糧撥什庫披甲人各賞半年錢糧外省駐防之兵亦照此例欽此相應行文直隸各省督撫將軍將實在駐防兵丁查明動用現貯司庫銀兩遵照恩詔賞給務使各人均霑實惠仍將動用錢糧并兵丁



數目造冊報部可也

一直隸保定等十九處駐防撥什庫披甲兵共  
二千一十一名各賞給半年錢糧

共賞銀二萬九千三百三十四兩

一江南駐防八旗撥什庫三百三十六名每名  
半年銀十八兩披甲兵三千六百六十四名每  
名半年銀十二兩

共賞銀五萬十六兩

一京口駐防八旗撥什庫四百二名馬兵一千  
五百九十八名步兵一千名砲手六名隨旗當  
差民砲手三十四名銅匠藥匠四名戈什哈三  
名弓匠鐵匠十六名

共賞銀三萬三千五十四兩

一浙江駐防八旗撥什庫三百九十二名披甲  
兵二千八百八名

共賞銀四萬七百五十二兩

一湖廣荊州駐防八旗小撥什庫三百三十六名披甲兵三千六百六十四名

共賞銀五萬零一十六兩

一福建駐防撥什庫披甲馬步兵丁二千四十

二名

共賞銀二萬二千七百六十兩

一山東德州駐防撥什庫三十四名披甲兵三

百三名匠人四名

共賞銀四千二百七十二兩

一山西太原駐防正藍鑲藍兩旗滿洲蒙古撥  
什庫四十名披甲兵三百七十三名弓匠二名  
鐵匠二名

共賞銀五千二百二十兩

一大同右衛駐防八旗滿洲蒙古撥什庫三百  
八十四名披甲兵二千六百二十名鐵匠一百  
一十二名蒙古撥什庫兵一千三百四十三名

隨兵一十六名永吃餉銀閒散老人一名

共賞銀六萬五千八百八十兩

一陝西西安駐防八旗滿洲蒙古漢軍小撥什庫前鋒壯大五百三十六名披甲兵六千四百六十四名又川陝總督親隨滿洲披甲四十名共賞銀八萬七千六百九十六兩

一廣東駐防八旗小撥什庫三百二十名披甲兵二千六百八十名砲手二十四名弓匠一十

六名

共賞銀三萬八千三百四兩

四月二十二日己巳

皇上分遣祭告大臣

命即兼往各直省監賞綠旗兵丁務令均霑實惠其無  
祭告省分另遣專官

四月初五日戶部等部尚書臣穆和倫等謹

題為欽奉

恩詔事康熙五十二年三月十八日

恩詔內開一款各直省綠旗兵丁俱應加賞賚著議奏  
欽此欽遵查在京巡捕三營馬步兵丁三千五  
百名直隸馬步兵丁三萬四千八百一十二名  
江南省馬步水師兵丁五萬四千七百七十二  
名山東省馬步水師兵丁一萬八千四百名山  
西省馬步兵丁二萬五千九百九十四名陝西  
省馬步兵丁八萬五千六百二十三名河南省

馬步兵丁九千六百五十三名浙江省馬步水  
師兵丁四萬六百八名江西省馬步兵丁一萬  
四千一十三名湖廣省馬步水師兵丁三萬八  
千五百七十七名四川省馬步兵丁三萬六百  
二十名福建省馬步水師兵丁六萬三千一百  
四十六名廣西省馬步兵丁一萬九千三百三  
十一名雲南省馬步兵丁四萬一千五百八十  
名貴州省馬步兵丁二萬三百六十名以上綠



旗兵丁共五十萬九百八十九名該臣等會議  
得康熙五十二年三月十八日欽奉

恩詔內開一各直省綠旗兵丁俱應加賞賚著議奏等  
語現今趙申喬等前往廣東順便將該省綠旗  
兵丁動支司庫銀兩親行監看各賞銀一兩等  
因九卿會議具題行文應將廣東省綠旗兵丁  
不議外其京城巡捕三營綠旗兵丁動支戶部  
庫銀照賞給廣東綠旗兵丁各賞銀一兩交與

提督隆科鐸親行監看賞給至各直省綠旗兵  
丁賞給之處若交與督撫提鎮賞給恐兵丁不  
能得需實惠亦未可定應將各直省派內大臣  
侍衛部院堂官俟

皇上揀選每省各遣一員動支各該布政司存庫銀兩  
亦照廣東綠旗兵丁各賞銀一兩令伊等親行  
監看真正兵丁按名逐一查點散給務令均霑  
實惠俟

命下之日將應遣大臣官員開列具奏可也本月初七

日奉

旨依議

提督九門步軍巡捕三營統領隆科鐸奉

旨監賞京城巡捕三營綠旗兵丁五月十六日賞馬兵

十八日賞步兵

三營馬步兵丁共三千八百九十二名

共賞銀三千八百九十二兩

四月初六日禮部尚書臣赫碩色等謹

題為欽奉

恩詔事

全疏載第十  
三卷祭告中本月十三日奉

旨恩詔內有各直省綠旗兵丁俱應加賞賚一款今各省鎮廟等處遣官致祭其實賚綠旗兵丁之事即著致祭官員帶同監賞一次即可完畢不必再差且不致重複騷擾驛站若無祭祀省分另派官員前往這所差著查八旗副都統以下叅領以上并各部院衙

門堂官開列具奏

四月十六日禮部等部尚書臣赫碩色等謹

題為欽奉

恩詔事該臣等會議得禮部具題應差鎮廟等處致祭  
官員列名具奏奉

旨恩詔內有各直省綠旗兵丁俱應加賞賚一款今各  
省鎮廟等處遣官致祭其賞賚綠旗兵丁之事即著  
致祭官員帶同監賞一次即可完畢不必再差且不

致重復騷擾驛站若無祭祀省分另派官員前往這  
所差著查八旗副都統以下叅領以上并各部院衙  
門堂官開列具奏欽此又查戶部等部先經議奏疏  
內賞賚直隸各省綠旗兵丁應將內大臣侍衛  
部院衙門堂官各派一員差往等因具題奉

旨依議欽遵在案查盛京無綠旗兵丁賞賚廣東綠旗  
兵丁之事已交與左都御史趙申喬等監賞不  
議外直隸陝西四川江南浙江山東河南湖廣

山西應令致祭官帶給其江西福建廣西雲南  
貴州等五省無致祭之處每省各遣官一員前  
往監賞將應差官員職名另行開列摺子具

奏俟

命下之日賞賚銀兩令其動支各省布政司庫內錢糧  
給與勘合由兵部給發可也臣等未敢擅便謹

題請

旨本月二十二日奉

旨長白山醫巫閭山等處遣覺羅丕丕三致祭遼太祖陵  
遣殷濟納致祭南海遣馬雲霄致祭顓頊高陽氏等  
陵遣王臣致祭黃帝軒轅氏等陵遣蔡升元致祭西  
嶽華山及江瀆等處遣查弼納致祭南鎮會稽山遣  
拉都渾致祭夏禹王陵及明太祖陵遣周起渭致祭  
東嶽泰山等處遣孫柱致祭少昊金天氏等陵孔子  
闕里遣廖騰燧致祭中嶽嵩山等處遣李先復致祭  
太昊伏羲氏等陵遣明安致祭南嶽衡山遣羅占致



祭炎帝神農氏等陵遣陳汝咸致祭女媧氏等陵遣  
鄒士璉致祭北嶽恒山等處遣李敏啟致祭江西賞  
賚綠旗兵丁著額爾氣去福建賞賚綠旗兵丁著穆  
賽去廣西賞賚綠旗兵丁著許廷臣去雲南賞賚綠  
旗兵丁著瓦哈立去貴州賞賚綠旗兵丁著朱廷柱  
去餘依議

四月二十八日都統馬雲霄等恭請

聖訓面奉

上諭祭告有一定之例賞兵是要緊事督撫提鎮至千把總有一定的空糧朕都知道的是賞不得的各省多寡不等也有沒有的也有頂名食糧的年貌不對你們查一查督撫的兵你們自賞提鎮以下兵會同督撫去賞不用提鎮各營頭都要到去你們賞了兵後馬步箭也要看一看直隸山東河南山西陝西的兵都好陝西有一名兵糧缺出就有二三十人爭食此糧湖廣的兵近來也罷了江南浙江的兵都看不

得若有一名缺出還有催人頂名的凡應操演大家  
還要湊銀子與他們求免操演他們就不操了朕南  
巡時係大典不便細查近來武場開科兵丁也都念  
些書曉此事你們去不可苛索你們的聲名朕裏面  
就曉得若有此等事你們還是人麼怎麼回來見朕  
呢

五月二十七日大學士溫達松柱學士舒蘭馬  
良綽奇啟奏折本奉

旨賞給直隸各省綠旗兵丁若令督撫每營到去恐致有悞地方事務督撫停其前往會同各該提鎮等閱看賞給著速行文直隸各省

康熙五十三年四月初四日正藍旗蒙古都統  
臣穆賽等謹

奏為欽奉

恩詔事我

皇上功德寬隆恩威遐暢愛養軍民澤周利溥昨歲恭

逢

萬壽六旬正誕大沛

恩綸普天同慶更加意軍士

特命臣等頒賞直省綠旗官兵誠千古曠典也臣等恪  
遵

諭旨按名給散均霑實惠更校閱騎射試演火器大槩  
頗優而直隸陝西山東山西河南兵丁騎射尤  
加熟練人材亦多壯健衆兵丁仰承

大賚自天共祝

長生不老且各處士民攜老扶幼踴躍歡呼以為從來  
帝王所未有史冊所未聞至於秦蜀邊外及閩  
粵滇黔遠近番彝苗蠻徭獠黎岐聞

恩命到時皆跪迎道左聚觀教場羣壯面稽顙備奏感  
恩之語咸申祝華之詞臣等躬逢盛事難罄名言謹將  
頒賞過直省兵丁數目開列於後為此具摺奏

聞

直隸賞兵官正紅旗漢軍副都統王臣

直隸共兵三萬三千四百九十六名內除各  
官親丁三千一百三十六名新兵未補兵三  
百七十七名不賞外應賞馬步兵二萬九千  
九百八十三名實賞銀二萬九千九百八十  
三兩

陝西賞兵官內閣學士兼禮部侍郎蔡升元

陝西省共兵八萬五千六百二十三名除各

官一定親丁六千三百三十一名又各提鎮  
分外隨丁六百二十一名不賞外應賞兵丁  
共七萬八千六百七十一名實賞銀七萬八  
千六百七十一兩

四川賞兵官內閣學士兼禮部侍郎加一級查  
弼納

四川省共兵三萬六百二十名內除各官隨  
兵二千六百九十四名公費空糧一百六十



名革退等兵二百一名因晃山營游擊余祿  
虛兵叅審案內兵丁一百九十二名共三千  
二百四十七名不賞外應賞兵二萬七千三  
百七十三名實賞銀二萬七千三百七十三  
兩

浙江賞兵官理藩院侍郎拉都渾

浙江省共兵四萬六百零八名內除親丁二  
千一百九十五名年貌不符一千二百二十

五名三月十八日以後新補兵丁二千一百  
零四名逃亡未補兵丁二百十二名共五千  
七百三十六名不賞外應賞兵丁三萬四千  
八百七十二名實賞銀三萬四千八百七十  
二兩

江南賞兵官詹事府詹事周起渭

江南省共兵五萬七千三百二十六名內除  
缺額隨丁二千九百七十六名不賞外應賞

兵丁五萬四千三百五十名實賞銀五萬四

千三百五十兩

山東賞兵官吏部左侍郎孫柱戶部右侍郎廖

騰燧

山東省共兵一萬八千四百名內除各官隨

丁竝未補兵丁一千三百七十四名不賞外

應賞兵一萬七千二十六名實賞銀一萬七

千二十六兩

河南賞兵官兵部左侍郎加三級李先復都察院左副都御史加一級明安

河南省共兵九千六百五十三名內除隨丁等兵九百六十一名不賞外應賞兵八千六百九十二名實賞銀八千六百九十二兩

湖廣賞兵官通政使司左通政羅占大理寺少卿陳汝咸

湖廣省共兵三萬八千五百七十七名內除

親隨等兵二千九百八十九名不賞外應賞  
兵三萬五千五百八十八名實賞銀三萬五  
千五百八十八兩

山西賞兵官內閣學士兼禮部侍郎鄒士璉太  
常寺卿加五級李敏啟

山西省共兵二萬五千九百九十四名內除  
隨丁等竝未補兵丁二千八百一十三名不  
賞外應賞兵丁二萬三千一百八十一名實

賞銀二萬三千一百八十一兩

江西賞兵官兵部郎中兼管佐領加一級鄂爾  
奇

江西省共兵一萬四千十三名內除親隨及  
未補兵丁七百九十九名不賞外應賞兵一  
萬三千二百十四名實賞銀一萬三千二百  
十四兩

福建賞兵官正藍旗蒙古都統穆賽

福建省共兵六萬三千一百四十六名內除  
親隨等兵五千八百八十七名不賞外應賞  
兵五萬七千二百五十九名實賞銀五萬七  
千二百五十九兩

廣東賞兵官都察院左都御史今陞戶部尚書  
趙申喬吏部右侍郎傅伸

廣東省共兵七萬七百六十名除各官隨丁  
字識京塘兵并不應領賞兵共未賞兵丁四

千三百九十三名實賞過兵丁六萬六千三百六十七名賞過銀六萬六千三百六十七兩

廣西賞兵官鑲白旗漢軍副都統許廷臣

廣西省共兵一萬九千三百三十一名內除親隨兵丁一千三百四十三名不賞外應賞兵一萬七千九百八十八名實賞銀一萬七千九百八十八兩



雲南賞兵官禮部郎中兼佐領加一級瓦哈立  
雲南省共兵四萬一千五百八十名內除親  
隨兵丁三千四百五十二名不賞外應賞兵  
三萬八千一百二十八名實賞銀三萬八千  
一百二十八兩

貴州賞兵官正白旗漢軍副都統朱廷柱

貴州省共兵二萬三百六十名內除親隨未  
補兵丁二千三百二十三名不賞外應賞兵

一萬八千三十七名實賞銀一萬八千三十  
七兩

直隸等十五省共兵五十六萬九千四百八  
十七名除親隨兵丁等四萬八千七百五十  
八名不賞外應賞兵丁五十二萬零七百二  
十九名實賞銀五十二萬零七百二十九兩  
臣等恭紀賞兵盛典仰見

聖慮之深

聖仁之廣蓋自古有天下者莫能及也古者寓兵於農  
田賦出車兵民合一其所以惠我農人者即所  
以綏我士卒自兵與民分而卹兵卹民畸重畸  
輕恒不得其平大約四郊多壘則重在兵海宇  
晏安則重在民故幸生承平之世民勞易見而  
兵獨若優游無事則轉予於卹靡所底止者往  
往有之君子讀出車諸什曲寫歸戍難言之隱  
而代陳其所未不得已未嘗不歎古帝王矜卹軍

旅之意入人之深而感人之至後世所希邁焉  
荀卿謂桓文之節制不可以敵湯武之仁義蓋  
文之所加者深則武之所服者遠德之所施者  
博則威之所制者廣三代之盛所以刑措兵寢  
而不用者其本末有序其施行有統也加之以  
意外之恩則知感齊之以一定之法則知懼蓋  
惟聖人首出聰明睿智神武而不殺者乃能及  
此亦惟享厯久長削平僭亂習知兵事乃能動

為世法震而不黷寬而不弛使武夫技擊感極而思奮也漢唐以還兵制屢更而犒師勞士亦往往而有焉漢時南北兩軍悉調之農猶有古之遺意南軍取之郡國為宮城衛天子以季秋及歲正月行幸曲臺臨饗勸勞以農桑壯軍取之三輔為京城衛恩賚稍殺以別中外唐府兵之制號極善其後弊也假人為傭冒濫不可詰開元二年命有司大募壯士從軍引見置酒於

朝堂享之乃遣薛訥等訓練韜鈴并賜錢三千貫宋時州有屯兵者官給錢宴犒將校謂之旬設元豐三年以新製御陣大閱八軍於城南荆家陂賜指揮馬步諸軍銀絹有差凡此賞賜多有與簡閱竝行者而聖節恩賚波及六軍史策所書不槩見焉惟唐時以天長節左右龍武軍各賜物千匹又眷念舊勲獨異常倫各賜物二千匹餘各有差一時號為創典然而私於中遺

於外規模迫陋不足侈矣我

皇上御極以來底定方隅澄清海內文思既懋

聖武彌昭雖曰守成實符創業功高於霄漢威播於要

荒彰撻伐之聲靈奠懷柔之河嶽昔年滇楚弄

潢

皇上赫焉震怒爰命六師致討

親授方畧六詔廓清既而漠北蠢動豕突羊驅

上乃親御韎韐遠踰絕塞駐狼胥而鞠旅臨稽落以揚

兵於是烏孫授首沙塞蕩平此皆神謀之所不及而

聖算之所獨運者也嗣是櫓槍宵掩海波不揚而天下不復知有兵矣顧承平日久兵氣易弛國家有百年不用之兵不可無一日不備之武

皇上天行彌健用戒用作不時飭勵武臣頻加訓練屢賜優卹法至嚴恩至渥蓋藏至險於大順之中使天下畏威六師知感誠所謂帝德廣運乃聖



乃神乃武乃文者矣今歲

萬壽之辰

特沛恩綸覃施四海正嵩呼華祝之期偃武修文之日  
而

聖慮深遠大賚所加不忘軍士內而

京師八旗所統外而直省駐防督撫提鎮所轄綜而  
計之奚啻百萬悉分別等差槩從優渥內則由  
都統統領給發外則分遣大臣監賞一時士卒

欽定四庫全書

欽定四庫全書  
卷三十六

三六

盡沐

鴻休歡聲雷動咸厥角叩首仰頌

升恒共慶千古未逢之

曠典又

命直省賞兵之臣討其軍實而簡閱之既沛之以

恩又齊之以法震而不黷寬而不弛此荷戈之士所以

感極而知奮者乎夫蠲租賜賑養老慈幼所以

卹民也閱視戎行厚其犒賜所以卹兵也二者

國之大政

皇上有之以仁正之以義悉以精神恩意流貫乎其間  
故兵與民雖分而一厯

宸衷軫念則咸歸怙冒無一物不得其所固宜沐浴膏  
澤者羣戴

聖人之德而欣欣於化日之舒長也尚何畸重畸輕之  
足慮哉其各省督撫提鎮代

題謝

欽定四庫全書

萬壽盛典初集

卷三十六

三十七

恩章奏附載十數通以誌士卒感戴之誠云

萬壽盛典初集卷三十六